

Bemba - Bakashi Malembo Yamushilo - Wives Scriptures

Efeso 5:22-24 Mwe bakashi, mulenakila abalume benu nga filya munakila Imfumu. 23 Pantu umulume e mutwe wa mukashi wakwe nga filya Kristu aba e mutwe wa lukuta. Elyo Kristu umwine e Mupusushi wa lukuta ulwaba e mubili wakwe. 24 Kanshi nga filya ulukuta lunakila Kristu, efyo abakashi nabo bali nokunakila abalume babo muli fyonde.

Efeso 5:31,33 Efyo calembwa ukuti, “Eco umwaume ali nokusha wishi na nyina no kuminkana no mukashi wakwe, elyo aba babili baba umubili umo.” 33 Kanshi na imwe bene nifyo fine. Umulume onse ali nokutemwa umukashi wakwe ngefyo aitemwa umwine. Elyo umukashi nao onse ali nokucindika umulume wakwe.

- 1 **Kolinti 7:3** Umwaume ali nokufikilisha insambu sha mu cupo ku mukashi wakwe. Umwanakashi nao ali nokufikilisha insambu sha mu cupo ku mulume wakwe.
- 1 **Kolinti 7:34** Kanshi ena alakanika pabili. Umwanakashi umushimbe nangu umukashana uushaupwa asakamanafye ifyakubombela Imfumu. Pantu afwayafye ukuituula onse umubili no mupashi ku Mfumu. Lelo umwanakashi uwaupwa ena asakamikwa ne fya pano calo, pantu ali nokusansamusha wiba.

Kolose 3:18 Mwe bakashi, mulenakila abalume benu ngefyo abanakila Imfumu bafwile ukulacita.

- 1 **Timote 2:11-15** Abanakashi bali nokusambilila abamutalalila kibili abanakilila. 12 Nshilesuminisha umwanakashi ukufunda nangu ukuba na maka yakucila umwaume. Umwanakashi ali nokwikala umutalalila. 13 Pantu uwabalilepo ukubumbwa ni Adamu, elyo panuma Efa. 14 Elyo kibili te Adamu ewabepelwe, lelo mwanakashi ewabepelwe, apula na mwifunde lyakwa Lesa. 15 Lelo umwanakashi akapusuka pa mulandu wakufyala abana, kumfwa nga tabasakamenefye ukuiyemfy, lelo bakoselela mukusumina, mukutemwa na mukuba abakaele.

Icitencekelo 3:16 Ku mwanakashi atile, “Nkakufushisha amacushi nganshi pakupaapa umwana. Ukalaumfwa ubukali pakupaapa

abana. Ukalakabila umulume obe, elyo nao akalakuteeka.”

1 Petelo 3:1,2 Mu musango umo wine abakashi balenakila abalume. Epakuti nga pali bamo abashanakila amashiwi yakwa Lesa, imyendele yenu iyisuma ibanashe ukwabula ukusosa nangu ishiwi nelyo limo. 2 Pantu balemona ifyo imyendele yenu yakaele, kibili iyamucinshi.

Tito 2:1-5 Lelo iwe ulefunda ifyakuti tafipusene na mafunde yacine cine. 2 Ulefunda abaume abakalamba ukuti bali nokuba abantu aba misango isuma, abamano, kibili abatekanya. Tabali nakunenuka mu cisumino, mu citemwiko, na mukushipikisha. 3 Eifyo fine ulefunda abanakashi abakalamba ukuti baleba ne misango nga banakashi abapetamina Lesa. Tabali nakuba ababepeshanya nangu ukuba abasha ba bwalwa. Bali nokulafunda ifintu ifisuma. 4 Epakuti balefunda abanakashi abacikashana ukulatemwa abalume babo na bana babo. 5 Kibili epakuti baleba abatekanya, abakaele, abasunga amayanda yabo bwino, abamutembo, abacumfwila ku balume babo, epakuti pelaba nelyo umo uwakulanda ifibi pa mashiwi yakwa Lesa.

Amapinda 12:4 Umukashi wa mibeele isuma alapulamika wiba, nomba uulenga wiba insoni, ena ninshi aba ngo bulwele bwa mu mafupa.

Amapinda 14:1 Umwanakashi uwamano alakuula ijanda yakwe, lelo icipuba ca mwanakashi cilaibongolola ku minwe yaciko.

Amapinda 19:13 Icipuba ca mwana cishamika wishi, umukashi wa ciwowo ena aba nga menshi ayaletonafye nto nto nto.

Amapinda 21:9,19 Cawamapo ukwikala pa cifutu ca pa mutenge wa ijanda, ukucila ukwikala mu ijanda imo no mukashi inkakashi. 19 Cawama ukwikala mu matololo, ukucila ukwikala no mukashi wa congo ne cipyu ca cinse.

Amapinda 25:24 Cawamapo ukwikala pa cifutu ca pa mutenge wa ijanda, ukucila ukwikala mu ijanda imo no mukashi inkakashi.

Amapinda 27:15,16 Umukashi wa fikansa aba nge mfula iyilemima akasuba konse. 16 Ukumwalulula cimo no kwesha ukunasha umwela, nangu ukufumbata amafuta ulupi paa.

Amapinda 31:10-31 Yangu ifyo cawama ukushukila umwanakashi wine wine pa ijanda! Pantu ena acindamishapo ukucila utumabwe twa rubi. 11 Wiba wakwe amucetekela nganshi, kibili takabulwe icintu cisuma. 12 Apo wiba aikalila pano calo, amuletelafye ifintu ifisuma

te fibi iyoo. 13 Ena afwaya fwaya ubushishi bwa masako ya mpaanga, no bushishi ubwatelela, no kupeka peka ku mulimo wakupikula, 14 Ena alafumya icakulya ukutali no kucileta pa njanda, nga filya amato ya bashimakwebo yacita. 15 Ena abuka bushikushiku, pakuti apekanishishe ulupwa lwakwe icakulya, na pakuti apeele ababomfi bakwe abakashana ifyakaniko fyabo. 16 Ena kutala aceceta ibala elyo alishita, kibili mu bukumu buntu asanga alimishamo ne myangashi. 17 Ena aba uwawangana ku milimo, alikosa no kucenjela mukubomba. 18 Ena alamwenamo mu milimo yonse intu abomba, kibili icisaniko cakwe caka bushiku bonse. 19 Ena ku minwe apikula ubushishi, no kuipikwila insalu shakwe umwine. 20 Ena alafwilisha abapina, no kupeelako ababusu. 21 Ena tatiina nangu kube impepo shani, pantu bonsefye mumwakwe balikwata ifyakufwala ifyakaba. 22 Ena alapikula ifyakufimbana, alafwala ne nsalu ishatelela ne shakashikila. 23 Wiba wakwe alicindikwa mu mpango, ilyo ekala pamo na bakalamba ba calo. 24 Ena alapikula insalu ishatelela ne mishipi, no kulashitisha kuli bashimakwebo. 25 Ena alikwata amaka na bantu bonse balamucindika, kibili ena akaba ne nsansa na mu nshiku sha kuntanshi. 26 Ne lintu alanda, awe alandafye ifyamano fyeka fyeka, ne milandile yakwe yamutembo. 27 Alapikintika lyonse ku milimo ya ba pa njanda, kibili talya umukate wa bunañani. 28 Ena abana bakwe balamucankilwa, na wiba nao alamulumbanya. 29 Alasosa ati, “Abanakashi abaupwa bena bengi, ee basuma mufyo bacita, nomba iwe mayo walipulapo pali bonse.” 30 Ala ukuba uwayemba kutumpika umuntu, ukuba imbeke nako kulapwa bwangu, nomba umwanakashi uwakwatila Yawe akatiina ena ewalingafye ukulumbanya. 31 Eya, mulemulumbanyakfy pa fintu acita. Ena alilinga ukuti abakankala bonse balemucindika pa milimo yakwe pa mpango sha musumba.

Pastor T. John Franklin
Church of Salvation, Healing, and Deliverance
COS-HAD.org